

中國語文函授專修班參考資料

清代文学作品選

东北师范大学函授教育处

1956年6月出版

目 錄

万古愁	一
圓圓曲	二
捉船行	二
遇旧友	三
桃源縣	三
感事（其二）	三
贈朱監紀	三
九日待顧寧人書	四
富春山中吊謝皋羽	四
養馬行	四
捉船行	五
征曹嘆	五

詠 錢 (選一)	六
春 城	六
太白墓	七
都門秋思	八
留客行	八
辭 灶	八
桃花扇摘錄	九
第三十五出 誓師	九
第三十八出 沉江	十二
續四十出 余韻	十五
長生殿	十七
秦腔汾河灣打雁脚本	二二
第一場	二二
第二場	二四
第三場	二六

第四場.....	三二
鴉片戰爭至清末詩歌選錄.....	四八
廣東感時詩（選一）.....	四八
粵東海幢寺題壁詩十八首（選一）.....	四八
廣東池事新詩十二首（選二）.....	四八
三元裏.....	四九
砲子謠.....	四九
雜感（其二）.....	五〇
山歌.....	五〇
逐客篇.....	五〇
紀事.....	五一
到香港.....	五三
度遼將軍歌.....	五四
獄中絕筆詩.....	五五
刺時絕句.....	五五

題江山万里圖应日人之索·····	五五
贈語溪女士徐寄塵和原韻·····	五五
憤 時·····	五六
柬徐寄塵·····	五六
「天津白話報」「閱評」選錄·····	五七
司法獨立·····	五七
不能兩全·····	五七
國會跟學堂不並立·····	五八
难民該死·····	五八
開國會也得講情面·····	五八
真能利不外溢·····	五九
國官民·····	五九
裁冗員·····	五九
人 才·····	六〇
筹备立憲紀念會·····	六〇

警察职务……………六〇

憑君傳語報平安……………六一

真称得起忠厚長者呀……………六一

不必專注意於旗籍呀……………六一

不可解……………六二

清詩選錄

萬古愁（節錄）

歸庄

……惟有我大明太祖高皇帝，定鼎金陵早。驅貔虎，吼英豪，東征西討，霧散煙消。將一片不見天日的山前山后，洗淨得風清月皎，將一番極醜極不堪的胡言胡服，生劈開中華夷獠。真个是，南衝瘴海標銅柱，北碎冰崖試宝刀，更可喜十七叶的聖子神孫，一叶叶垂裳問道，食肝衣胄。誰知道，天地變，孽芽萌，風波闊……太多來鷄猴風聲豫遁逃，把青、徐、兗、冀双手奉得早。金陵福主興，江南彗星照。誇定冊，推翊戴，鉄券晃晃耀。招狐群，樹狗党，蟬蛄般噪噪。拿掌大的兩淮，供不得群狼抄，便半壁的山河，也下不得諸公釣。反讓那晋刘淵做了仗义的漢高皇，軍容素縞。可憐那接救兵的李都尉，辮髮胡帽。兀的不悶殺人也么哥！兀的不氣殺人也么哥！尙欲奪天功，問秦淮渡口把威权招。乱哄哄，鬧一回；痴迷迷混几朝。獻不迭歌喉舞腰；迭不迭花容月貌。終日里醉醺醺，御量千鐘少。沒來由，羽書未达甘泉報，翠華先上了潼关道。一霎時，南人胆搖，北人心驚，長江水臊，鍾山气消，已不是大明年号。官庭瓦礫拋，陵寢松楸倒。但听得胡刺刺一天胡哨，車兒上滿載着瓊瑤；馬兒上斜着妖嬈。打樵处处把牌兒臊，急得那砍不尽的鬚子，多一样金

線鼠綠紅纓狗帽。恨不得向大鼻子把都們便做個親爹叫。俺再不向小朝廷拜獻降胡表；再不向錢神國告納通關鈔；再不向众醉鄉跪進糟潭醪。拔尽鼠狼毫，椎碎陳元室。万石君已絕交，褚先生告辭了。俺自向長林丰草，山坳水嶠，一曲伴漁樵。……

圓 圓 曲 節 錄

吳偉業

鼎湖當日棄人間。破敵收京下玉关。慟哭六軍俱縞素，衝冠一怒為紅顏。……雲間傾國與傾城。翻使周郎受重名。妻子豈應关大計？英雄無奈是多情！全家白骨成灰土，一代紅妝照汗青……

捉 船 行

吳偉業

官差捉船為載兵，大船買脫中船行；中船蘆港且潛避，小船無知唱歌去。郡符昨下吏如虎，快槳迎風急搖櫓，村人露肘捉頭來，背似土牛耐鞭苦。苦辭船小要何用，爭執洶洶路人拥，前头船見不敢行，曉事篙師斂錢送。船戶家家坏十千，官司查点候如年。發回仍索常行費，另派門攤云雇船。君不見官舫曳綫無用处，打鼓插旗馬头住。

遇 旧 友

吳偉業

已過才追問，相看是故人。亂離何處見，消息苦難真，拭眼驚魂定，銜杯笑語頻。移家就吾住，白首兩遺民。

桃 源 縣

吳偉業

豈有秦人住，何來浪得名？山中難避地，河上得孤城。桃柳誰曾植？桑麻近可耕。君看問津處，烽火只縱橫。

感 事（其二）

顧炎武

白羽出揚州，黃旗下石頭。六双歸落雁，千里射蛟虬。河上三軍合，神京一戰收！祖生多意气，击楫正中流。

贈 朱 監 紀 四輔

顧炎武

十載江南事已非，與君辛苦各生歸，愁看京口三軍潰，痛說揚州七日圍。碧血未消今戰壘，白

頭相見旧征衣！東京朱祐年猶少，莫向尊前嘆式微！

九日得顧寧人書

徐 夜

故國十年恨，他鄉九日心，山陵余涕淚，風雨罌登臨。異縣傳書遠，經時怨別深。陶潛籬下意，誰復繼高吟！

富春山中吊謝臯羽

徐 夜

睇髮吟成未了身，可憐無地着斯人。生為信國流寓客，死結嚴陵寂寞隣。疑向西台猶慟哭，思當南宋合酸辛。我來憑吊南山曲，朱鳥魂歸若有神。

養 馬 行

梁佩蘭

賢王愛馬如愛人，人与馬共分王仁。王乐养馬忘苦辛，供給王馬王之民。馬日飲水草百斤，大麥小麥十斗勻，大豆小豆驛遞頻，馬夜齧豆仍數巡。馬肥王喜王不嘔，馬瘦王怒王朴人。东山教場地廣濶，筑厩养馬凡千群；北城馬厩先鬼坟，馬厩养馬王官軍；城南馬厩近大海，馬愛飲水海水清；西关馬厩在城下，城下放馬馬散行。城下空地多草生，馬头食草馬尾橫。王諭养馬要得馬性

情，馬來自邊塞馬不輕，人有齒馬服以上刑。白馬，王絡以珠勒，黑馬，王絡以紫纓，紫羅馬以桃花名，斑馬綴玉鑲，紅馬綴金鈴。日日數馬，点养馬丁，一馬不見，王心不寧。百姓乞为王馬王不应。

捉 船 行

鄭世元

客行在西吳，喧呼聞捉船，三奉憲司票，取數須一千。烏程縣堂曉傳鼓，縣官排衙点船戶。東船西舫寂不行，里正如狼吏如虎。行人坐守居人困，百里官塘斷商賈。罟師漁父都含愁，城南城北水斷流，千艘万櫓城中集，葦岸蘆港風悠悠。大船競輸錢，差役幸暫免；小船無錢只一身，捉住支吾应供遣。自从名隸公家籍，日日河头坐白日。太倉合米聊入腹，誰为羹飧顧家室。可憐有船何處撐，江千万众俱吞声。

徵 漕 嘆

袁 枚

一 5 一
流陽漕無倉，水次在宿阜，去縣百余里，官民兩奔走。富者車馬馱，貧者需匱負。展轉稍愆期，鞭笞隨其后。北風万里來，蠟雪三尺厚。泥塗行不前，老幼足相蹂。今歲旱魃災，產谷半稔莠。粟圓而薄糠，零星他郡購。未來苦無谷，有谷苦難受。檢谷如檢珠，重疊須春臼。粒碎聒相喧，色雜嗔相詬。嗟哉我窮民，歷歷數卯酉。來時一石余，簞完盈一斗。天雨不开倉，小住日八

九。携來行李資，不足糊其口。官怒呼吏來，命杖過吏首：「收谷尔太苛，尔命胡能寿？」諸吏跪且言：「公毋罪某某。旗丁古門匠，習俗古相狃。米色稍不齐，叱吏如畜狗。大府命監收，所來亦贖贖。委阿無定詞，調停兩掣肘。此時收太寬，臨時安所答？」縣官笑且言：「尔毋强分割！我从通州來，斛粮万万數。糠沙半相和，俱已蒙上取（收？）。我食翰林俸，陈陈尽紅朽。何得此旗丁，需索为利藪。」言畢旗丁至，獐獍貌粗丑。視米嚙無言，仰面齟欲噉。我因思吏言，此事誠然有。更有持斛者，有意与苦手。播弄作浮萍，扫除待箕帚。長官察吏嚴，嬖人二五偶。披羊裘而釣，誰不識嚴叟？众吏迎以入，劳金兼酌酒。此金此酒來，毋乃非民否？縣官自語心：「尔已为民母，寧受旗丁噉，毋使民守久；寧失遷者心，毋使喪所守。」持此征漕嘆，願以告我后。

詠

錢（選一）

袁枚

不須薇蕨說高風，到底夷齐是命窮。剪紙賄能通鬼國，博桑天尙借劉翁。杖头有处春堪買，坐上無時酒欲空。怎怪南唐痴長老，心經一卷寫當中。

春

城

黃景仁

春城久陰雨，欣見白日輪。照我歎羈寂，更照東西隣。东家娶新妇，开筵罗众宾，烹飪香徹

舍，喧笑夜达晨。西家屋頽破，中有新死人，牀头老嫗哭，哭子声酸辛。共此日光里，哀乐胡不均？無情感过客，側耳繼嘔呻。独歎歎無憐，聞戚幸有身。俄頃众盧集，首念依閭親。有子常若無，不得相对貧。孤灯耿白髮，茹苦何能伸。亦有蓬头妻，抱病臥積薪。自为我家妇，甌釜常生塵。門戶持女手，何以能支振。一身尙乞食，所遇犹連連。言念忽及此，滂沱涕沾巾。若語东西家，哀乐稍可勻。更欲起相告，事运多相因。啼笑忽乘伏，迎送如輪巡。所見尽逆旅，何者堪为真！

太白墓

黄景仁

束髮讀君詩，今來展君墓。清風江上洒然來，我欲因之寄微慕。嗚呼有才如君不免死，我固知君死非死，長星落地三千年，此是昆明劫灰耳。高冠岌岌佩陸离，縱橫击劍心中奇，陶鑄屈宋入大雅，揮洒日月成瑰詞。当时有君無着处，即今遺蹟犹相思。醒时兀兀醉千首，应是鴻濛借君手，乾坤無事入怀抱，只有求仙与飲酒。一生低首惟宣城，墓門正对青山青，風流輝映今犹昔，更有灞桥驢背客。此間地下真可觀，怪底江山总失色。江山終古月明里，醉魄沉沉呼不起。錦袍画舫寂無人，隱隱歌声繞江水。殘膏賸粉酒六合，犹作人間万余子。与君同时杜拾遺，望石卻在瀟湘湄，我昔南行曾訪之，衡雲慘慘通九疑。即驗身后归骨地，儼与時境同分馳。終嫌此老太憤激，我所師者非公誰？人生百年要行乐，一日千杯苦不足。笑看機收語斜陽，死当埋我茲山麓。

都門秋思

黃景仁

五劇車聲隱若雷，北邙惟見塚千堆。夕陽勸客登樓去，山色將秋遶郭來。寒甚更無修竹倚，愁多思買白楊栽。全家都在秋風里，九月衣裳未剪裁！

留客行

蒲松齡

城中見客多，客至惟坐語。村中見客稀，客至速為黍；未能速為黍，呼兒携糴換綠醪。日落投轄泥客行，臘肘伏雌半夜煮，半夜煮，充朝飧，臨別捉簪挽相送，仍囑再過光衡門。

辭灶（金菊對芙蓉）

蒲松齡

到手金錢，如火燎毛，烘然一燎完之。值祠神時節，莫吝肴饌，瓦爐惟有香煙繞。酬灶前，濁酒三卮，料應神聖，不因口腹，捏是成非。況復盞盞相依，念区区非客，神所周知。倘上方見

帝，幸代陳詞，倉箱討得千箱粟，從空墜，万錠朱提。來年此日。願盛丰潔，兩有光輝！

桃花扇摘錄

孔尚任

第三十五出 誓 師

〔賀聖朝〕〔外扮史可法手持大帽便服上〕兩年吹角列營。每月調馬催征。軍逃客散鬻星星。恨壓廣陵城。

下官吏可法，日日經略中原，究竟一籌莫展；那黃劉三鎮，皆听馬阮指使，移鎮上江，截戰左兵，丟下黃河一帶，千里空營。忽接塘報，本月二十一日，北兵已入淮境，本标食粮之人，不足三千，那能抵当得住？这淮揚一失眼見京師難保。豈不完了明朝一座江山也？可憐可惱！俺且私步城頭。察看情形。再作商量。〔丑扮家丁提小灯随行上城介〕

〔二犯江兒水〕〔外〕悄上城頭危徑，更深人睡醒，棲鳥頻叫，击柝連声，女牆边，側耳听。〔听介〕〔內作怨介〕〔北兵已到淮安。沒个瞎鬼兒問他一声，只捨俺几个殘兵，死守这座揚州，如何守得住？元帥好沒分曉也！〕〔外点头自語介〕〔你們那里曉得？〕万里倚長城，揚州父子兵。〔又听介〕〔內作恨介〕〔罢了罢了！元帥不疼我們，早早投了北朝，各人快活去，为何俛着等死？〕〔外驚介〕〔啊呀！竟想投降了！这怎么处？〕他降字兒橫胸，守字兒難成，这揚州腹了一分景。〔又听介〕〔內作怒介〕〔我們降不降，还是第二着，自家殺搶殺搶。跑他娘的，只顧守到几时呀？〕

〔外〕「咳！竟不料情形如此！」听說猛驚，熱心冰冷，疾忙歸，夜点兵，不待明。

〔忙下〕〔內掌号放炮作傳操介〕〔難扮小卒四人上〕今乃四月二十四日，不是下操的日期。

为何半夜三更，梅花嶺放炮。快去看來！〔急走介〕〔末扮中軍持令箭提灯上〕隔江雲陣列。

連夜羽書飛。〔呼介〕元帥有令，大小三軍，速赴梅花嶺。听候点卯。〔众排列介〕〔外戎裝

旗引登壇介〕月升鷓鴣尾城吹角。星散旄头帳点兵，中軍何在？〔末跪介〕有！〔外〕目下北信

緊急，淮城失守。这揚州乃江北要地。倘有疎虞，京師難保。快傳五營四哨。点齐人馬，各回

汛地。晝夜嚴防。敢有倡言惑众者，軍法從事！〔末〕得令！〔傳令向內介〕元帥有令，三軍

听者，各照汛地，晝夜嚴防，敢有倡言惑众者，軍法從事！〔內不应〕〔外〕怎么寂然無聲？

〔吩咐中軍介〕再傳軍令，叫他高声答应。〔末又高声傳介〕〔內不应〕〔外〕仍然不应，

着击鼓傳令。〔末击鼓又傳又不應介〕〔外〕分明都有离畔之心了！〔頓足介〕不料天意人

心，到如此田地！〔哭介〕

〔前腔〕皇天列聖，高高呼不省，闌珊殘局，剩俺支撐，奈人心，俱瓦崩。〔俺史可法好苦命也！〕

〔哭介〕協力少良朋，同心無弟兄。〔只靠你們三千子弟，誰料今日呵〕都想逃生，漫不关情，讓

江山倒像設筵席請。〔拍胸介〕〔史可法史可法，平生枉讀詩書。空談忠孝。到今日，其实沒法

了〕〔哭介〕哭声祖宗，哭声百姓。〔大哭介〕〔末劝介〕〔元帥保重，軍國事大，徒哭無益也！〕

〔前扶介〕「你看淚点淋漓，把战袍都濕透了！」〔驚介〕「噢！怎么一陣血腥，快掌灯來。」〔雜点灯照介〕「啊呀！渾身血点，是那里來的？」〔外拭目介〕「是是！俺眼中流出來。」哭的俺，一腔血作淚零。

〔末叫介〕大小三軍。上前看來，咱們元帥，哭出血淚來了！〔淨副淨丑扮众張上〕〔看介〕果然都是血淚。〔俱跪介〕〔淨〕嘗言養軍千日，用軍一朝，俺們不替朝廷出力。竟是一夥禽獸了。〔副淨〕俺們貪生怕死，叫元帥如此難為，那皇天也不佑的。且百歲無常，誰能免的一死？只要死到一个是處，罷罷罷！今且捨着狗命，要替元帥守住這座揚州城。〔末〕好好！誰敢再有二心？俺便拿送轅門，听元帥千殺万剮！〔外大笑介〕果然如此，本帥便要拜謝了！〔拜介〕〔众扶住介〕「不敢不敢」〔外〕众位請起，听俺号令。〔众起介〕〔外吩咐介〕你們三千人馬，一千迎敵，一千內守，一千外巡。〔众〕是！〔外〕上陣不利，守城。〔众〕是！〔外〕守城不利，巷战。〔众〕是！〔外〕巷战不利。短接。〔众〕是！〔外〕短接不利，自尽。〔众〕是！〔外〕你們知道，從來降將無伸膝之日，逃兵無回頭之時。〔指介〕那不良之念，再莫橫胸，無恥之言，再休掛口，才是俺史閣部結識的好漢哩！〔众〕是！〔外〕既然應允，本帥也不消再囑。〔指介〕大家呼三声，各回汛地去罢！〔众〕〔呐喊三声下〕〔外鼓掌三笑〕「妙妙！守住這座揚州城。便是北門鎖鑰了！」